
ANUNSIU VAGA SERBISU

“Oportunidade Hamutuk Hametin Kbi'it ho NGO Belun”

Belun mak organizasaun sosiedade sivil Harii iha 12 Juñu 2004 hodi partisipa iha dezvoltamentu nasionál no harii dame iha sosiedade. Belun liu husi nia Planu Estratéjia hatuur pilares importante tolu Pillar Prevensaun Konflitu, dezvoltamentu kapasidade Komunitade no peskiza no dezvoltamentu polítika. Belun liu husi nia pillar prevensaun konflitu ho implementa programa Mediasaun no Rezolusaun ba disputa Rai, agora dadauk halo parseria hamutuk ho PNUD, programa ba Sistema Judisiál ni'an iha estabelesimentu asesu klinika ba justisa (AJCs) ne'ebé hodi haforsa tan ba ajuda mandatu legál iha eskritoriu defensoria publiku. Papel Belun mak sei apoiu ka suporta intervensaun ba disputa/problema rai ho rezolusaun alternativu ba disputa sira iha Munisipiu judisiál Baukau ho Covalima (Suai).

Asesu klinika ba justisa iha **Munisipiu Judisiál Baukau** ho area kobertura iha Munisipiu Baukau, Lautein, Manatuto no Vikeké.

Atu implementa projetu “Hadi'ak Asesu Justisa ba Komunitade liu husi Mediasaun no Rezolusaun Disputa” Belun buka maluk Nasionálide Timorensé na'in ida (1) nu'udar “Kordenador Rejionál Baukau” hodi servisu hamutuk ho hametin relasaun parseiru iha area Munisipiu Judisiál Baukau.

Durasaun serbisu: Serbisu probatoriu fulan 3 (posibilidade ba extensaun).

Papel no Responsabilidade

- Prepara planu servisu fulan – fulan no haruka ba jestor programa hodi halo revizaun no aprovasaun;
- Apoiu ba estabelesimentu enkuadramentu/framework husi defensor publiku nia M&E ba kazu mediasaun;
- Hametin koordenaun servisu referral iha Munisipiu parte ramu ba Munisipiu Judisiál nian ho stakeholders sira hotu;

- Halo koordinasaun ativu ho parseiru no stakeholder sira area munispiu judisiál Baukau kona-ba introdusaun objetivu programa no atividade ne'ebé atu implementa;
- Halo koordinasaun no konsultasaun autoridade lokál, lideransa komunitariu, lider tradisionais, representante joven feto ho mane, Igreja no veteranus nomos lider lokál seluk;
- Halo koordinasaun ativu no konsultasaun ho Defensoria Públiku iha Baukau nomos ramu defensoria publiku iha Munispiu seluk husi tau matan Munispiu Judisiál refere, inklui diresaun Munispiu Terras no Propriedade Servisu Cadastrais hodi hetan dados disputa ne'ebé refere ba Belun atu fasilita Mediasaun.
- Trasa planu hamutuk ho senior Mediator hodi fó assistensia mediasaun ba kazu ne'ebé Defensoria publiku oferese atu Fasilita Mediasaun;
- Halo koordinasaun ho autoridade lokál hodi no hodi hetan dados disputa ne'ebé rejistu iha no presiza atu fasilita mediasaun;
- Partisipa enkontru regular hamutuk ho Defensoria Públiku no programa AJCs UNDP;
- Apoiu mediator ba fasilita disputa ne'ebé mak prepara husi dados Defensór Públiku nomos kordena no hetan dados husi Terras no Propriedade Servisu Cadastrais Munispiu refere;
- Update dados disputa rai ne'ebé presiza assistensia mediasaun no disputa ne'ebé halo mediasaun iha baze dedados ne'ebé mak prepara;
- Prepara advance Request no haruka ba Jestor programa hodi halo revizaun no aprova;
- Prepara sumariu no relatóriu narativusemanal nomos mensal no relatóriu gastu no haruka ba jestor programa antes aprova;
- Atende ativu treinamentu mediasaun hamutuk ekipa programa ba autoridade lokál ne'ebé identifikadu;
- Ba servisu seluk sei adapta tuir nesesidades programa ní'an ne'ebé la-temi iha deskripsaun servisu ne'e.

Kualifikasaun

- Akaba diploma/universitariu ho area direitu ka dezvoltamentu komunitariu;
- Esperiência servisu hanesan kordenador programa maximu tinan 3;
- Abilidade fasilitador iha organizaun maximu tinan 3;
- Iha abilidade ba prevensaun no rezolusaun konflitu;
- Iha esperiência ba fasilitador/treinador ba mediasaun nomos transformasaun konflitu;
- Iha koñesimentu di'ak ba Politika Protesaun Direitu ba Labarik nomos Politika Komunikaun Internál;
- Koñesimentu as igualdade jenéru;
- Abilidade hakerek no koa'lia ho tuir padraun lian tetun;
- Esperiência di'ak iha hakerek relatóriu iha lian tetun.

Kriteria

- Mai husi Munisipiu refere no hela metin iha Munisipiu Baukauno viajen ba area kobertura servisu tuir nesesidades atividade;
- Profesionál atu uza Microsoft office, excel, internet/email no media sosiál;
- La involve krime kontra direitu ba labarik, ne'ebé justifika ho karta deklarasaun husi Xefe suku ka Polísia iha Munisipiu ida-idak bainhira aplika dokumentu tenke aneksu.

Maluk sira ne'ebé interese, favor hatama Curriculum Vitae no karta aplikasaun ne'ebé esplika kona-ba ita nia abilidade interese ba pozisaun refere nomos dokumentus relevante seluk haruka mai Edifisiu Belun iha 03 Travessa de Baucau, Farol Dili antes tuku 5.30 lokraik iha loron, **10 Agostu 2017** ka email tonilia.belun@gmail.com

Belun sei kontaktu de'it ba kandidatu ne'ebé liu seleksaun dokumentus. Atu hatene di'ak liu tan informasaun ba vaga ne'e, bele kontaktu ba nú telefoni +670 3310 353.

Enkouraja ba belun feto sira hodi aplika.

Dili, 02 Agostu 2017

Management Belun